https://www.ssrq-sds-fds.ch/online/tei/ZH/SSRQ\_ZH\_NF\_I\_1\_3\_173.xml

## 173. Regelung des Klageverfahrens bei Straftaten innerhalb der Stadt Zürich

ca. 1539 - 1567 September 15

Regest: Um Verzögerungen bei der Behandlung schriftlicher Klagen zu vermeiden, wird verordnet, dass bei Straftaten, die in der Stadt Zürich geschehen, innert zwei Monaten Anklage zu erheben ist und Bürgen gestellt werden müssen. Wer angeklagt ist und keinen Bürgen zu stellen vermag, hat sich eidlich zu verpflichten, vor Gericht zu erscheinen. Bürgermeister und die amtierende Hälfte des Kleinen Rats sollen jeweils am Donnerstag über alle hängigen Fälle richten, Kläger und Angeklagte befragen sowie die Zeugenaussagen anhören. Sofern keine Anklage erhoben wird, muss dennoch durch den Rat ein Untersuchungsverfahren (Nachgang) eingeleitet werden. Es bleibt dem Kleinen Rat überlassen, ob er die Zeugenaussagen mündlich während der Verhandlung anhören oder Ratsmitglieder abordnen will, die die Aussagen vorgängig aufnehmen und verschriftlichen lassen. Fremde Handwerksgesellen, die ein Delikt begangen haben, müssen einen Bürger als Bürgen stellen oder sie werden bis zur Gerichtsverhandlung inhaftiert. Späterer Zusatz von anderer Hand: Die Ratsmitglieder, welche Zeugenaussagen entgegennehmen, haben zuvor zu ermitteln, ob die Zeugen mit einer der Konfliktparteien verwandt oder aus einem anderen Grund parteiisch sein könnten. Wer als Geschädigter wegen einer Straftat innert zweier Monate nicht Klage erhebt, die Tat aber durch Zeugenaussagen erwiesen ist, hat die entsprechende Busse selber zu bezahlen.

Kommentar: Beim vorliegenden Eintrag handelt es sich um die erneuerte Fassung einer Ordnung des Jahres 1489 (SSRQ ZH NF I/1/3, Nr. 37). Während der Grundtext im Wesentlichen mit der Vorlage übereinstimmt, stellt der spätere Zusatz betreffend Befangenheit von Zeugen eine wichtige inhaltliche Erweiterung dar.

Wie eyner sin clag umb fräfel, so inn der statt beschechend, gen dem andern thůn soll

Als bißhar biderblüth mit clagen, so sy yezůzyten inn schrifft umb fräfel gethan haben, durch sümnüss der zügen unnd sunst verkürtzt sygen, ouch bisshar die clagen nit als fürderlich gericht mochten werden, als biderblüth dess notturfftig gewësen weren unnd zůdem der statt ir bůssen damit ouch verschinen, also, das die von tode abgegangen sind, so zů zyten gebůsst sölten sin worden.

Söllichs zůverkommende haben wir unns erkennth, was fräfel inn unnser statt beschechen unnd verfallen, das söllichs innert zweyer monaten frist clagt unnd mit bürgschafft vertröst werden sölle. Unnd wellicher nit bürgschafft haben mag, das derselb dem rechten gehorsam zůsind unnd dess zůerwarten söllichs an eyds statt loben oder zů gott schweeren sölle. Unnd also ein burgermeyster unnd der nüw rath, so dann gewalt hat umb söllich sachen all dornstag richten unnd uff wellichen dornstag ein fyrtag ist oder eynich clagen zůrichtende überpliben, so soll über unnd umb söllichs gericht werden am anndern dornnstag darnach. Unnd zů söllichem richten also dem cleger unnd dem anntwurter verkündt unnd sy mit irer kuntschafft gegen unnd wider einandren mundtlich verhört werden unnd alss dann ein burgermeyster und der nüw rath darinn handlen und urteylen, als sy bedücht recht sin.

Unnd ob ein sach, darumb dann fräfel beschechen, nit clagt wurde, so soll doch nütdestmynder von eym rath dem nachgeganngen werdenn unnd / [fol. 25v] also ein burgermeyster unnd rath, so denn gewalt hat, darüber richtenn umb der statt buss.

Es soll ouch ye zử zyten am rath stan, ob sy die kuntschafft mundtlich vor rath hören oder ob sy vom rath darzů schyben wellen, die inzůnemmen. Unnd doch, so die kuntschafft usserhalb raths verhört wirt, soll der zügen sag inn geschrifft gestelt unnd demnach fürderlich unnd one verziechen für den rath gelegt werdenn.

Unnd wann bisshar die frömbden, es sygen hanndtwerchsknecht oder annder, zů zydten vil uffrůr und zerwürffnüssen beganngen unnd so sy daruff dess rechten zůerwarten gelopt haben, sy demmnach söllichs übersechen unnd sind darüber flüchtig unnd dem rechten abschweyff worden. Söllichs zůverkommen haben wir angesechen unnd geordnet, wo ein frömbder also eynich fråfel oder unzucht begaat, das der zestund mit eynem ingesessnen burger vertrösten soll, dess rechten zůerwartenn unnd dem gnůg zethůn. Unnd wo er das nit thůt, so soll er angenommen unnd inn fenngknüss behalten werden, bis der rath, so darüber zůrichten hat, sich darumb erkennen mag.<sup>a</sup>

Eintrag: StAZH B III 4, fol. 25r-v; Pergament, 20.0 × 29.5 cm.

Edition: Schauberg, Zürcherische Rechtsquellen, S. 371-372.

Nachweis: Ott, Rechtsquellen, Teil 1, S. 110, Nr. 420 (Dipl. Nr. 618).

Hinzufügung unterhalb der Zeile von späterer Hand: Es söllen ouch die, so von räthen obvermelter gestalt kuntschafft intzunemen jeder zyt verordnet werden, inn allen unnd besonders aber inn den sachen, so einem sin läben oder eer antreffen möchte, zu vor eigentliche nachfrag haben, ob die, so darumb kuntschafft sagen söllen, nit gefründt oder inn der sach parthygisch sigen. Unnd welliche sy darinn gefründt oder parthygisch sin erachten, die söllen sy one vorwüssen und geheyß eines geseßnen räths nit verhören, ouch hinfüro one bevelch eines bürgermeysters oder erkanntnus eines raths umb söllich sachen dhein nachgang gehalten oder kuntschafft ingenomen werden. Und welliche begangnen fräffel inndert zweyen monaten nit klagt unnd darüber (als obstat) kuntschafft ingenommen wirt, da soll ein jeder alßdann sin verfallne buß, nachdem er gehandlet unnd man inn der kuntschafft findt, nach altem bruch und harkommen selbs abzetragen schuldig sin. Actum montags, den 15 september anno 1567, presentibus her burgermeister von Cham unnd beyd räth.

25

30